

չատակ կոստանդիանոսի թագաւորին և Եղիայի կիրակի ասի աւուրս: Եւ երեկոյի ժամուս, որում գային յամենայն կողմանցն հրաւիրեալքն ի հարսանիս՝ ի տուն Սոճա Պալէ, վարձելով զնա, անդ առնելով զընթրիա մեր: Եւ սկսաւ առնել անձրեւ մեծ՝ մինչև յառնել հեղեղաց. ոչ կարացաք նստուցանել ի պարտիզի անդ, այլ նստան ի տունս և ի թախտս տանցն աչնմ մի ի վերայ միոյ՝ հրաւիրեալքն ամենայն:

Եւ առաւօտուս Բշի (22 Մայիս) պաշտօն արարեալ վարդապետացն և քահանայիցն յեկեղեցի Սրբոյն Նիկողայոսի և զպատարագն արգիլեալ, և մեր հասեալ անդ ամենայն հրաւիրակօք անդ ի Սուրբ Նիկողայոս, և ձայնեցին զվարդապետքն յեկեղեցին, յորս էր Յովաննէս վարդապետն Մուղնեցի՝ առաջնորդ և վերատեսուէ այսմ նահանգի և Գաբրիէլ վարդապետն նըւիրակ Սուրբ Էջմիածնի, և կրօնաւորն սրբասնունդ՝ Տէր Յովաննէս եղբայր և աշակերտակից սոցին՝ և շինողն վկայարանի Սրբոյն Հովսիմեայ և Գայիանեայ, զոր և ի ժամ հիմնարկութեան յայտնեալ լինին¹⁾ նըշխարք սուրբ կուսանացն մեծասքանչ հրաշիւ, մինչ էր Փիլիպպոս կաթողիկոսն ի քաղաքս մեր, որ և սուրբ հարք և վարդապետք ուխտին և վանիցն Էջմիածնի առեալ տրակ և նամակ ողջունի և երկրպագման սուրբ հօրն Հոգեւորտիրի և ծանուցեալ թէ Այսպիսի հրաշիւ մեծի յայտնեցան²⁾ նշխարք սրբոց կուսանացն Հովսիմսիմեանց. զի և էր օրս յիշատակ և տօն նոցա, որ և սոցին բարեխօսութեամբ բարերարն Քրիստոս հեղցէ ծաւալմամբ զչնորհս ողորմութեան իւրոյ յիւր հաւատացեալսն և մանաւանդ նըւաստիցս, որ կամք հանդէպ յահեղ սուրբ պատարագիս, ամէն: Եւ կային անդ միաբանք ևս ուխտից և քահանայք և ժողովուրդք

1) լինի.

2) յայտնեցաւ.